

Kalaallit Nunaanni Eqqartuussisarnermik inatsisip inatsisillu allat assigiinngitsut allannortinneqarnissaannut inatsisissatut siunnersuummut missingiut pillugu (Politiit pillugit aaqqissuusseqqinnermik, politiinik naammagittaalliuutiginnissinnaanermik nutaamik aaqqissuussinnermik pilersitsinnermik il.il. naammassinnineq) Kalaallit Nunaanni Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.

(Ineqarnermut, Attaveqarnermut, Aatsitassanut, Inatsisit Atuutsinneqarneranut Naligiissitaanermullu Naalakkersuisoq)

Saqqummiussissut

(Ineqarnermut, Attaveqarnermut, Aatsitassanut, Inatsisit Atuutsinneqarneranut Naligiissitaanermullu Naalakkersuisoq)

Siullermeerneqarnera

Kalaallit Nunaanni inatsisipinik atuutsitsinnermut suliassaqarfik ukiuni kingullerni marlussunni qallunaanit kalaallinillu annertuumik ukkatarineqarsimavoq. Qallunaat akisussaaffiini suliassaqarfiit ineriartortinneqarnissaannut, matumani inatsisipinik atuutsitsinnermut suliassaqarfiup ullutsinnut naleqquttunngorlugu nutarneqarnissaa ilanngullugu, qallunaat naalakkersuipinik suleqatiginninnermik manna siunnersuut ilaavoq.

Piffissami nutaajunerusumi Kalaallit Nunaanni politiinut unnerluussisussaataasunullu atugassarititaasut pillugit aatsaat taamak annertutigisumik aaqqissuusseqqittoqarnissaa inatsisissatut siunnersuut manna aqqutigalugu siunnersuutigineqarpoq.

Inatsisissatut siunnersuut ilaatigut politiinik unnerluussisussaataasunillu aaqqissuusseqqinnissamik siunertaqarpoq, taamaalilluni nunap immikkoortuini politiit naalagaaffimmi nunap immikkoortuini politiit allatulli aaqqissuussaankkut naligiissinneqassallutik.

Nunap immikkoortuini 14-ine politiit pisortaanerisa pisortatigoortumik naligiissinneqarnerat erseqqissarniarlugu Kalaallit Nunaanni Politiit pisortaanerata taaguutaata “politimester”-imiit “politidirektør”-imut allannortinneqarnissaa tamatuma ilaatigut kinguneraa. Inatsisipini allani taaguutip “politimester”-ip allassimaffigisaani malitseqartitsilluni allannguinissaq tamatumattaq kinguneraa, taamaammallu siunnersuut eqqartuussisarnermik inatsimmik inatsisipinillu allanik allannguinermut pissutaavoq.

Siunnersuummi immikkoortoq alla pingaarutilik tassaavoq politiit sulinerat pillugu nunap immikkoortuini siunnersuisoqatigiinnik pilersitsineq.

Nunap immikkoortuini siunnersuisoqatigiit Kalaallit Nunaanni politiit sulinerat aaqqissuussaanerallu pillugit apeqqutit nalinginnaasut tamaasa oqaluuserisassavaat. Nunap immikkoortuini siunnersuisoqatigeeqarnermi politiit najukkanilu innuttaasut attaveqatigiittarnerisa patajaallisarneqarnissaat siunertarineqarpoq, taamaalilluni Kalaallit Nunaanni Politiit pisortaanerisa, Naalakkersuisut borgmesterillu ataatsimut soqutigisatik pillugit apeqqutit oqaloqatigiissutigisinnaalissavaat.

Siunnersuummi immikkoortoq alla pingaarutilik tassaavoq politiit pillugit naammagittaalliorsinnaanermik aqqissuussinerup eqqunneqarnera. Danmarkimi politiit pillugit naammagittaalliuuteqartarfiup suliaqartarnera assigalugu Politiit pillugit Naammagittaalliuuteqartarfik Arlaannaannulluunniit Attuumassuteqanngitsoq siunissami Kalaallit Nunaanni politiini sulisut sulitillutik pissusilersortarnerat pinerluutigisimasaallu pillugit misissuisarnissaa aalajangiisarnissaalu siunnersuutip kinguneraa.

Politiit pillugit Naammagittaalliuuteqartarfiup sulianik sullissinissaani Kalaallit Nunaanni pissutsinik naammattumik ilisimasaqarnissaq qulakkearniarlugu siunnersuisoqatigiinnik, Kalaallit Nunaanni Politiit pillugit Naammagittaalliuutigineqartut pillugit Siunnersuisoqatigiinnik taaneqartunik, suliap paasissutissinneqarnissaanut atugassamik ilitersuutaasumik oqaaseqaateqartartussap pilersinneqarnissaa siunnersuutigineqarpoq. Politiit pillugit Naammagittaalliuuteqartarfiimmi maannakkut inissitsitsineq Siunnersuisoqatigiinni nutaani ingerlateqqiinnarneqarnissaa siunnersuutigineqarpoq, taamaalilluni taakku tassaalissapput eqqartuussissuserisoq ataaseq eqqartuusseqataasartullu marluk, taakku Inatsisartut inassuteqareernerisigut Justitsministeeriaqarfimmit toqqarneqassallutik.

Naalackersuisut taamatut oqaaseqarlutik immikkoortoq Inatsisartunut oqaluuserisassanngortippaat.